



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-180-4/24**

Datum: **13.08.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica IM «SEMIĆ» d.o.o. Visoko za donošenje rješenja o vodnoj dozvoli za ispuštanje tehnoloških otpadnih voda u prirodni recipijent iz pogona za preradu mesa u Industrijskoj zoni Ozrakovići, grad Visoko, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE o vodnoj dozvoli

1. Pravnom licu IM «SEMIĆ» d.o.o. Visoko daje se vodna dozvola za ispuštanje tehnoloških otpadnih voda u prirodni recipijent iz pogona za preradu mesa kapaciteta 24 t mesa/dan u Industrijskoj zoni Ozrakovići, izgrađenog na zemljištu označenom kao k.č. broj: 271/1 K.O. Ozrakovići, grad Visoko.
2. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog objekta, za vrijeme trajanja ove dozvole, obezbjeđuje da se tehnološke otpadne vode koje nastaju u postupku prerade mesa, hlađenja proizvoda, pranja opreme, uređaja i pribora, pranja podova i radnih površina nesmetano sakupljaju i odvođe na tretman u biološki uređaj, a zatim ovako tretirane vode ispuštaju u industrijski kolektor.
 - 2.3. Da korisnik predmetnog objekta, za vrijeme trajanja ove dozvole, obezbjeđuje da se oborinske onečišćene vode sa uređenih manipulativnih površina nesmetano sakupljaju i odvođe na tretman u tipski separator masti i ulja, a zatim ovako tretirane vode zajedno sa prečišćenim tehnološkom otpadnim vodama ispuštaju u industrijski kolektor sa krajnjim ispustom u rijeku Bosnu.
 - 2.4. Da se praktikuje suho čišćenje radnih površina i opreme, prije pranja vodom, kao i primjena opštih mjera sprječavanja zagađenja voda navedenih u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24), kako bi se smanjila količina otpadnih voda i teret zagađenja, a time i racionalno koristila voda.
 - 2.5. Da se objekti čija je svrha odvođenje i prečišćavanje onečišćenih voda (kanalizaciona mreža, biološki uređaj, separator masti i ulja) redovno održavaju i koriste na način koji će obezbijediti njihovu potpunu ispravnost i funkcionalnost tj. da se poduzmu sve neophodne mjere kako bi parametri kvaliteta efluenta bili u granicama propisanih vrijednosti definisanih u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije.
 - 2.6. Čišćenje i pražnjenje i održavanje uređaja za tretman otpadnih voda i separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu izdvojenog mulja i taloga iz separatora ulja i masti.
 - 2.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 3. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 1/24). Rezultate analiza dostaviti ovoj Agenciji.

- 2.8. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.9. Izdvojeni mulj, kao i ostali opasni i neopasni otpad, se ne smije ni privremeno odlagati na česticu „vodno dobro“, odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice IM «SEMIĆ» d.o.o. Visoko, dana 08.04.2024. godine, podnijelo je zahtjev za izdavanje vodne dozvole za ispuštanje tehnoloških otpadnih voda u prirodni recipijent iz pogona za preradu mesa u Industrijskoj zoni Oszakovići, izgrađenog na zemljištu označenom kao k.č. broj: 271/1 K.O. Oszakovići, grad Visoko.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-24-000800 od 15.03.2024. godine izdatog od Općinskog suda u Zenici,
- Ovjerena kopija Uvjerjenja o poreznoj registraciji od 28.02.2012. izdatog od Porezne uprave FBiH – Kantonalni porezni ured Zenica,
- Kopija Uvjerjenja o registraciji/upisu u Jedinostveni registar obveznika indirektnih poreza broj: 04/1-17-1-35-414-14/10 od 10.11.2010. godine izdatog od Uprave za indirektno-neizravno oporezivanje Banja Luka,
- Dokaz o uplaćenju upravnoj taksi,
- Kopija Rješenja o ispunjavanju veterinarsko-zdravstvenih uvjeta za proizvodnju hrane životinjskog porijekla broj: UP-I-06-2-20/20-820-4/24 od 07.06.2024. godine izdatog od Federalnog ministarstva poljoprivrede, vodoprivrede i šumarstva,

- Kopija Rješenja o upotrebi građevine broj: 12-23-02058/16 od 04.04.2016. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o izmjeni odobrenja za građenje broj: 12-23-05054/12 od 18.03.2016. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o izmjeni rješenja o odobrenju za građenje broj: 12-23-05054-1/12 od 06.01.2015. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o odobrenju za građenje broj: 12-23-05054/12 od 20.03.2013. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Zaključka o odbacivanju za obnovu okolinske dozvole (nepostojanje uvjeta za pokretanje postupka) broj: 12-19-11020/23 od 20.12.2023. godine izdatog od Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-654-8/18 od 08.04.2019. godine izdatog od «Agencije za vodno područje rijeke Save» Sarajevo,
- Kopija Ugovora o deponovanju animalnog otpada zaključenog dana 02.08.2017. godine sa JP «VODOKOM» d.o.o. Kakanj.
- Kopija Izvještaja o monitoringu kvaliteta i kvantiteta otpadnih voda industrije mesa «SEMIĆ» Visoko broj: 374/24, mart 2024., urađen od «Inspekt-RGH» d.o.o. Sarajevo,
- Glavni projekat hidroinstalacija šifra: A-62/14, decembar 2014, urađen od «ARHITEKT» d.o.o. Zenica (na uvid).

Operativni plan mjera u slučaju vanrednih i incidentnih zagađenja, april 2021. godine (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-180-3/24 od 09.07.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Pogon za preradu mesa je izgrađen u Industrijskoj zoni Oznakovići, grad Visoko. Pogon se sastoji od proizvodnog objekta sa svim potrebnim sadržajima, vanjskih uređenih manipulativnih površina, SBR uređaja, separatora masti i ulja.
- U objektu se vrši prerada svježeg i smrznutog mesa. Proizvodi se suho meso, sudžuk, kobasice te oblikovani proizvodi od svježeg mesa (čevapi, sudžukice, hamburgeri) i gotova jela od mesa (doneri). Meso za potrebe prerade se kupuje, odnosno u objektu se ne vrši klanje. Kapacitet prerade je 24 t mesa/dan.
- Za predmetni objekat je ranije od ove Agencije ishodovano Rješenje o vodnoj dozvoli broj: UP-I/25-3-40-654-8/18 od 08.04.2019. godine sa rokom važenja od 5 (pet) godina od dana pravosnažnosti rješenja.
 - Uslov naveden u tački 2.1 naprijed navedenog Rješenja je ispunjen, odnosno izgrađeno je postrojenje za tretman tehnoloških otpadnih voda.
- U objektu je instalirana je savremena specijalizirana oprema.
- Sanitarne-fekalne i tehnološke vode iz procesa proizvodnje (vode od hlađenja proizvoda, pranja opreme, radnih površina i podova) se odvođe na tretman u separator masti te u aerobni biološki prečištač sa aktivnim muljem i SBR tehnologijom. Separator masti i biološki prečištač su proizvođača BORPLASTIKA.
- Oborinske vode sa manipulativnih površina i vode sa prostora za sanitaciju vozila se prikupljaju sistemom slivnika i kanalizacione mreže i odvođe na tretman u separator masti i ulja.
- Prečišćene tehnološke i oborinske onečišćene vode se odvođe u sabirni šaht (okno za monitoring) i ispuštaju u industrijski kolektor sa krajnjim ispustom u rijeku Bosnu.
- Snabdijevanje vodom je obezbijeđeno putem priključka na gradsku vodovodnu mrežu.
- Animalni otpad se, shodno potpisanom Ugovoru, odvozi od strane JP «VODOKOM» d.o.o. Kakanj.

- Na uvid su dostavljen Izvještaji o monitoringu kvaliteta i kvantiteta otpadnih voda industrije mesa «SEMIĆ» Visoko, mart 2024., urađen od «Inspekt-RGH» d.o.o. Sarajevo. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva IM «SEMIĆ» d.o.o. Visoko, ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-180-2/24 od 25.06.2024.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju:
Rukovodilac sektora za izdavanje
vodnih akata


Nihad Pezo, dipl.inž.građ.

Dostaviti:

- IM «SEMIĆ» d.o.o.
Industrijska zona Ozrakovići bb, 71300 Visoko
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava